



Bosna i Hercegovina
Federacija Bosne i Hercegovine
Kantonarno tužiteljstvo
Tuzlanskog kantona

Broj: A-I-210/25
Tuzla, 11.11.2025. godine

**Federacija Bosne i Hercegovine
Parlament Federacije BiH
Zastupnički/Predstavnički dom
N/r Dragan Mioković, predsjedavajući
Adresa Hamdije Kreševljakovića br. 3, Sarajevo
Veza: Vaš dopis broj 05/1-02-665/25**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 12-11-2025			
Org. jed.	Broj	Priloga	Vrijednost
05/1	-02-	665	25

PREDMET: Zastupničko pitanje Admira Čavalića, zastupnika u Predstavničkom domu Parlamenta Federacije BiH

Dopisom broj **05/1-02-665/25**, Admir Čavalić, zastupnik u Predstavničkom domu Parlamenta Federacije BiH, je na adresu više institucija i organa, uključujući i Kantonalno tužilaštvo Tuzlanskog kantona, postavio niz pitanja. Kantonalno tužilaštvo Tuzlanskog kantona su adresirana slijedeća pitanja: Kada je tužilaštvo TK službeno zaprimilo prijavu o slučaju seksualne zloupotrebe maloljetnika u Tuzli? Koliko osoba je obuhvaćeno istragom i koliko ih je trenutno u pritvoru? Da li postoji još osoba na koje se sumnja? Da li je istraga proširena i na druge odgovorne osobe iz institucija sistema? Da li su u predmetu primijenjene mjere zaštite identiteta i sigurnosti maloljetnih žrtava? Da li postoji potreba za formiranjem posebnog odjela u okviru Tužilaštva TK za predmete koji uključuju nasilje nad djecom i maloljetnicima?

Kantonarno tužilaštvo Tuzlanskog kantona je početkom avgusta 2025. godine primilo prijavu o slučaju trgovine ljudima vezanu za iskorištavanje dvije djevojčice u svrhu prostitucije i drugih oblika seksualnog iskorištavanja.

Naredbom o provođenju istrage je obuhvaćeno osam (8) osumnjičenih osoba. Sve osumnjičene osobe su po rješenju Kantonalnog suda u Tuzli u pritvoru.

Istraga u ovom predmetu je detaljna i opsežna, a obzirom na karakter istrage i mjere koje je potrebno poduzeti i nužne su da se očuva tajnost istražnih radnji iz razumljivih razloga, nismo u mogućnosti govoriti o detaljima istrage. Ono što je već preneseno u javnom prostoru iz ovog Tužilaštva je da se istražuje i učešće drugih osoba u ovim radnjama.

Kantonarno tužilaštvo je u maksimalno mogućoj mjeri iskoristilo sve mehanizme zaštite identiteta maloljetnika. U određenim situacijama su neodgovorni pojedinci ili novinari, iz njima poznatih izvora, na određeni način otkrivali u javnom prostoru osobne detalje iz života maloljetnika. U skladu sa zakonskim ovlaštenjima ovog Tužilaštva, svi takvi slučajevi se dokumentuju, obzirom na to da je Krivičnim zakonom FBiH propisano krivično djelo

—Povreda privatnosti djeteta- iz člana 219a, te će se i ovi slučajevi, u skladu sa zakonom procesuirati. Također, ovo Tužilaštvo je u saradnji sa organima socijalne zaštite i određenim socijalnim ustanovama, poduzelo sve potrebne mjere zaštite sigurnosti maloljetnica tokom postupka.

U sastavu tužilačkih odjela u Kantonalnom tužilaštvu Tuzlanskog kantona već duže vrijeme djeluje i Odjel za maloljetnike, čiji je zadatak zaštita i postupanje sa djecom i maloljetnicima u krivičnom postupku, što svakako uključuje zaštitu djece i maloljetnika koji su žrtve svih oblika nasilja.

Odjel za odnose s javnošću

Admir Arnautović, stručni savjetnik za odnose s javnošću

Admir Arnautović

